

宜人作鮮猶良又暴乾其香美雖有小毒不至發病一云多食發痲癬及瘡腫不可與乳酪同食

食療云平主安胎補中作繪尤佳

衍義曰鱧魚益肝腎補五藏和腸胃食之

宜人不甚發病宜然張翰思之也

○平微毒治痔殺蟲多食發嗽并瘡癬殺入香發衆香氣尾燒焦治腸風瀉血并崩中帶下及產後痢脂燒集鼠

陳藏器云味辛無毒主治野雞病殺蟲發

嗽殺發衆香尾灰斷產後痢膏燒集鼠未

試生南海大者如扇壯北相隨牝無目得

壯始行壯去牝死以骨及尾尾長二尺燒

爲黑灰末酒下大主產後痢先服生地黃

蜜等煎訖然後服尾無不斷也

○陶云龜肉補此老者能變化爲魅按

龜甲功用同龜甲炙浸酒主癩癰殺蟲逐風

惡瘡癩風頑疥瘰癧肉主濕氣諸邪氣盡消百

藥毒張鼎云膏塗摩之便明改未膏摩風及惡

瘡子如雞卵正圓煮之白不凝今世人謂藏

卵爲龜子似此非爲木石杙也至難死剔其肉盡頭猶咬物可以張鷟鳥

食療云微溫主五藏邪氣殺百蟲盡毒消

百藥毒續人筋又膏塗鐵摩之便明淮南

術方中有用處

○謹按異志云生西海大小如守宮蟲形

若馬形其色黃褐性溫平無毒主婦人難產

帶之於身神驗此外別無諸要用今無

○遠志注陶云遠志畏齊蛤蘇云藥錄下

卷有蛤而不言功狀注又云蠟畏齊蛤按齊

蛤如蛤兩頭尖小生海水中無別功用海人

食之

○石蟹注陶云石蟹如蚌蛭形長小兩股

如石蟹在草頭能飛蟲蠱之類無別功與蛇

蚘交在土中得之堪爲媚藥入拾遺記

圖經衍義本草卷之三十二

圖經衍義本草卷之三十三 貝

宋通直郎辨驗藥材寇奭編集

宋太醫助教辨驗藥材許洪校正

蟲魚部下品

蝦蟇



○味辛寒有毒主邪氣破癥堅血癰腫陰

瘡服之不患熱病瘰癧蝕疽癩音惡瘡獬犬

傷瘡能合玉石一名蟾蜍一名醜音一名去

雨一名苦蠶音生江湖池澤五月五日取陰

乾東行者良

○圖經曰蝦蟇生江湖今處處有之腹大形

小皮上多黑斑點能跳接百蟲食之時作

呷呷聲在陂澤間舉動極急五月五日取

陰乾東行者良本經一名蟾蜍以爲一物

似非的也謹按爾雅雉醜蟾蜍郭璞注云

似蝦蟇居陸地又科斗注云蝦蟇子也是非一物明矣且蟾蜍形大背上多瘡毒行極遲緩不能跳躍亦不解鳴多在人家下濕處其腹下有丹書八字者真蟾蜍也藥性論云蝦蟇亦可單用主辟百邪鬼魅

塗癰腫及治熱結腫又云蟾蜍臣能殺疔蟲治鼠漏惡瘡端午日取眉脂以朱砂麝香為丸如麻子大小兒子疔瘦者空心一丸如脂疔以蛛汁調鼻中燒灰傳一切有蟲惡痒滋亂瘡

陶隱居云此是腹大皮上多瘡謂疥者其皮汁甚有毒犬啗之口皆腫人得濕病斑出困者生食一兩枚無不差者五月五日取東行者五枚反縛著密室中閉之明日視自解者取為術用能使人縛亦自解燒灰傳瘡立驗其肪塗玉則刻之如蠟故云能合金石但肪不可多得取肥者剉煎膏以塗玉亦軟滑易琢古玉器有奇特非彫琢人功者多是昆吾刀及蝦蟇肪所刻也

蕭炳云腹下有丹書八字者以足畫地真蟾蜍也

日華子云蝦蟇冷無毒治犬咬及熱狂貼惡瘡解煩熱色斑者是又云蟾涼微毒破癥結治疔氣小兒面黃瘰癧氣燒灰油調傳

惡瘡入藥並灸用又名蟾蜍眉酥治蚰蝨和牛酥摩傳腰眼并陰囊治腰腎冷并助陽氣以吳茱萸苗汁調妙莫傳惡瘡丁腫雜蟲咬油調傳瘰癧痔瘡

聖惠方治風邪蝦蟇燒灰珠砂等分每服

一錢水調下日三四服

外臺祕要方治卒狂言鬼語燒蝦蟇并末酒服方寸七日三〇又方治小兒初得月蝕瘡五月蝦蟇燒灰并末猪脂和傳之梅師方治疔腫無問去處皆治之以蝦蟇

燒灰好醋和傳日三五度傳之差

子母秘錄方小兒洞洩下痢燒蝦蟇為末飲調方寸七服

衍義曰蝦蟇多在人家渠壑下大腹品類中最大者是遇陰雨或昏夜即出食取眉

間有白汁謂之蟾酥以油單裹背裂之酥出單上入藥用有人病齒縫中血出以紙絛子蘸乾蟾酥少許於血出處按之立止世有人收三足枯蟾以罔衆但以水沃半日盡見其偽蓋本無三足者

狂鼠微温無毒療痿折續筋骨搗傳之三日一易四足及尾主婦人墮胎易出肉熱無毒主小兒嘔露大腹炙食之〇糞微寒無毒主小兒痢疾大腹時行勞復

圖經曰文具附麗鼠條下

陶隱居云牡鼠父鼠也其屎兩頭尖專療然後鼠目主明目夜見書術家用之臘月鼠燒之辟惡氣膏煎之亦療諸瘡膽主目暗但纜死膽便消故不可得之

陳藏器序云雄鼠脊骨未長齒多年不生者效

禹錫云按孟詵曰牡鼠主小兒痢疾腹大會食者可以黃泥裹燒之細揀去骨取肉和五味汁作羹與食之勿令食著其骨甚瘦人又取臘月新死者一枚油一大升煎

011 5 21 - 6

之使爛絞去滓重煎成膏塗凍瘡及折破瘡

日華子云鼠涼無毒治小兒驚癇疾以油煎令消入蠟傳湯火瘡生瘡折傷筋骨雄鼠頭尖硬者是治癩疾明目葱豉煎服治勞復足燒食催生

馬刀



馬刀 味辛微寒有毒主漏下赤白寒熱破石淋殺禽獸鼠除五藏間熱肌中鼠臄臄音刺切止煩滿補中去厥痺利機關用之當鍊得水爛人腸又云得水良一名馬蛤生江湖池澤及東海取無時

陶隱居云李云生江漢中長六七寸漢間人名為單音姥音亦食其肉肉似蟬今人多不識之大都似今蜻蛚音幸切而非方用

至少凡此類皆不可多食而不止入藥

衍義曰馬刀京師謂之蟬岸春夏人不食然發風痰性微冷順安軍界河中亦出蟻大抵與馬刀相類肉頗澹人作鮓以寄隣近不能致遠亦發風此等皆不可多食今蛤粉皆此等衆蛤也

蚌



蚌 冷無毒明目止消渴除煩解熱毒補婦人虛勞下血并痔漏血崩帶下壓丹石藥毒以黃連末納之取汁點赤眼并暗良爛殼粉飲下治反胃痰飲此即是寶裝大者又云蚌粉冷無毒治疔止癩并嘔逆癰腫醋調傳兼能制石亭脂

陳藏器云據陶云大蛤乃蚌按蚌寒煮之主婦人勞損下血明目除濕止消渴老蚌

含珠殼堪為粉爛殼為粉飲下主反胃心胃間痰欲生江漢渠濱間陶云大蛤誤耳食療云蚌大寒主大熱解酒毒止渴去眼赤動冷熱氣丹房鏡源云蚌粉制硫黃

蚌蛇膽



蚌蛇膽 味甘苦寒有小毒主心腹腫痛下部腫瘡目腫痛膏平有小毒主皮膚風毒婦人產後腹痛餘疾

圖經曰蚌蛇膽本經不載所出州土陶隱居云出晉安蘇恭云出桂廣以南高賀等州今嶺南州郡皆有之此蛇極大彼土人多食其肉取其膽及膏為藥

陶隱居云此蛇出晉安大者三二圍在地行住不舉頭者是具舉頭者非具形多相

似彼土人以此別之膏膽又相亂也真膏
藥如梨豆子相若他蛇膏皆大如梅李
子真膽狹長通黑皮膜極薄紙之甜苦摩
以注水即沈而不散其偽者並不爾此物
最難得真真膏多所入藥用亦云能療伯
牛疾

藥性論云蚘蛇膽臣渡嶺南食此膽瘴毒
不侵世人皆知之膽主下部蟲殺小兒五
疳

食療云膽主蠶瘡癩目腫痛瘡蠶肉主溫

疫氣可作膾食之如無此疾及四月勿食
之膏主皮膚間毒氣小兒疳痢以膽灌鼻
中及下部

聖惠方治小兒急疳瘡用蚘蛇膽細研水
調傳之

楊氏產乳方療溫痢久不斷體瘦昏多睡

坐則閉目食不下蚘蛇膽大如豆二枚煮
通草汁研膽以意多少飲之并塗五心并
下部

朝野僉載云泉州盧元欽患大風唯鼻未

倒五月五日取蚘蛇膽欲進或云肉可治
風遂一截蛇肉食之三五日頓覺漸可百
日平復

○味甘平無毒主小兒百二十種驚
癇痰切瘕瘕切子用癩疾寒熱腸痔蠱毒蛇癩

弄舌搖頭大人五邪言語僻越惡瘡嘔欬明
目火熬之良一名龍子衣一名蛇符一名龍
子皮一名龍子單衣一名弓皮生荊州川谷
及田野五月五日十五日取之良長磁石及

酒

陶隱居云草中不甚見虺蝮蛇惟有長者
多是赤虺黃領單其皮不可復識今往往
得耳皆須完全石上者亦佳燒之甚療諸
惡瘡也

禹錫云按藥性論云蛇虺皮臣有毒能主

百鬼魅兼治癩瘡

陳藏器云按本草蛇虺主瘡取正發日以
蛇皮塞入兩耳臨發又以手持少許并服
一合盞醋汁令吐也

日華子云治蠱毒辟惡止嘔逆治小兒驚

怪客忤催生癰瘍白癩風煎汁傳入藥並
灸用

食療云蛇虺皮主去邪明目治小兒一百
二十種驚癩寒熱腸痔蠱毒者蠱惡瘡安
胎熬用之

聖惠方治小兒重脬重斷腫痛燒末傳之
效

千金方治諸腫失治有膿燒蛇虺皮水和
封腫上即蟲出○又方治惡瘡十年不差
似癩者燒全者一條為末猪脂和傳上良

十全博救方治橫生難產方蛇皮一條餅
子內益泥固濟存性燒為黑灰每服二錢
用榆白皮湯調服立效


必效方五痔肛脫以死蛇一枚指大者溫
用掘地作坑燒蛇取有孔板覆坑坐上蟲
盡出

杜壬方治纏喉風咽中如束氣不通蛇虺
炙黃以當歸等分為末溫酒調一錢匕得
吐即愈

產書云治產不順手足先見者蛇虺皮燒

作灰研面東酒服一錢匕更以藥末傅手足即順
衍義曰蛇虺從口翻退出眼睛亦退今合眼藥多用取此義也入藥洗淨

白頸蚯蚓



白頸蚯蚓味鹹寒大寒無毒主蛇癩去三蟲伏尸鬼疰蠱毒殺長蟲仍自化作水療傷寒伏熱狂謬大腹黃疸一名土龍生平土三月取陰乾

圖經曰白頸蚯蚓生平土今處處平澤卑壤地中皆有之白頸者長老者耳三月抹陰乾一云須破去土蓋之日乾方家謂之地龍治脚風藥必須此物為使然亦有毒曾有人因脚病藥中用此果得其效病既愈服之不止至二十餘日而覺煩燥憤亂

但欲飲水不已遂至委頓凡攻病用藥毒已愈當便罷服也其尿呼為蚓蠅并蠶傳瘡可去熱毒也
藥性論云蚯蚓亦可單用有小毒乾者熱末用之主蛇傷毒一名地龍子

唐本註云別錄云益需為汁療耳聾鹽消蛇功同蚯蚓其尿封狂犬傷毒出犬毛神效

陳藏器云蚯蚓糞土療赤白久熱痢取無沙者末一升炒令煙盡水沃取半大升瀝去滓空肚服之

日華子云蚯蚓治中風并癩疾去三蟲治傳屍天行熱疾喉痺蛇蟲傷一名千人踏即路行人踏殺者入藥燒用其尿治蛇犬咬并熱瘡並益研傅小兒陰囊忽虛熱腫痛以甘草汁調輕塗之

禹錫云按蜀本註又云解射罔毒聖惠方治風赤眼以地龍十條炙乾為末夜臥以冷茶調下二錢匕

千金方治齒斷宜露蚯蚓尿水和為泥火

燒令極赤研之如粉臘月猪脂和傅上日三永差

斗門方小便不通用蚯蚓并以冷水瀝過濃服半椀立通兼大解熱疾不知人事欲死者服之立效


勝金方治耳聾立效以乾地龍入鹽貯在葱尾內為水煎之

百一方治交接勞後陰卵腫或縮入腹腹絞痛或使絕蚯蚓數條絞取汁服之良又方治中蠱毒或吐下血若爛肝取蚯蚓十四條以苦酒三升漬之蚓死但服其汁已死者皆可活

衍義曰白頸蚯蚓自死者良然亦應候而鳴此物有毒昔有病腹大夜聞蚯蚓鳴於身有人教用鹽水浸之而愈崇寧末年平州兵士暑月中在倅廩前跳立廳下為蚯蚓所中遂不救後數日又有人被其毒博識者教以先飲鹽湯一杯次以鹽湯浸足乃愈今入藥當去土了微炙若治腎臟風下疳病不可闕也仍須鹽湯送王荊公所

謂紫壤太牢俱有味可能蚯蚓獨清廉者也

蜘蛛



微寒主大人小兒癩七月七日取其網療喜_音志

陶隱居云蜘蛛類數十種爾雅止載七八種爾今此用懸網狀如魚骨者亦名蜘蛛蜂及蜈蚣螫人取置肉上則能吸毒又以斷瘡及乾嘔霍亂術家取其網著衣領中辟惡有赤斑者俗名絡新婦亦入方術用餘雜種並不入藥詩云蠨蛸在戶正謂此也

網纏螫死七日消爛有驗矣
禹錫云按日華子云班蜘蛛冷無毒治瘡疾丁腫網七夕朝取食令人巧去健忘
又云壁錢蟲平微毒治小兒吐逆止鼻洪并瘡瀉汁傳鼻中及瘡上并傳瘡瘡是壁上作爾蜘蛛也
聖惠方治瘰癧無問有頭無頭用大蜘蛛五枚日乾細研酥調如麪脂日兩度貼之千金方治鼠癭腫核痛若已有瘡口出膿水者燒蜘蛛二十七枚傳良
乘開方治瀉多時脫肛疼痛黑聖散大蜘蛛一枚瓠葉重裹綿繫定合子內燒令黑色存性取出細研入黃丹少許同研凡有上件疾即先用白礬葱椒煎湯洗浴拭乾後將藥末摻在軟處帛上將手掌按托入收之妙
孫真人方蜈蚣咬取蜘蛛一枚咬處安當自飲毒蜘蛛死痛未止更易生者
廣利方治蝎螫人研蜘蛛汁傳之差
產寶方治產後咳逆經三五日不止欲死

方煎壁鏡窠三五箇呷差
衍義曰蜘蛛品亦多皆有毒經不言用是何種今人多用人家簷角籬頭陋巷之間空中作圓網大腹深灰色者遺尿著人作瘡癬

蠨蛸

十三



味辛平無毒主久尊致逆毒氣出汗瘡鼻窒其土房主癰腫風頭一名土蜂生燕耳川谷及牂狗或人屋間陶隱居云此類甚多雖名土蜂不就土中為窟謂繩土作房爾今一種黑色腰甚細銜泥於人壁及器物邊作房如並竹管者是也其生子如粟米大置中乃捕取草上青蜘蛛十餘枚滿中仍塞口以擬其子大為糧也其一種入蘆竹管中者亦取草上

青蟲一名螺贏詩云螟蛉有子螺贏負之
教誨爾子式穀似之言細腰物無雌皆取
青蟲教祝呪便變成已子斯為謬矣造詩
者乃可不詳未審夫子何為因其僻邪聖
人有闕多皆類此

日華子云此中有毒治嘔逆生研罾竹木
刺入藥炒用

李含光云音義云呪變成子近亦數有見
者非虛言也

聖惠方治小兒霍亂吐瀉方用此蟲窠微
炙為末以乳汁調下一字止

衍義曰蠨蛸諸家所論備矣然終不敢捨
詩之意嘗折窠而視之果有子如半粟米
大其色白而微黃所負蟲亦在其中乃青
菜蟲却在子下不與蟲相著又非葉蟲及

草上青蟲應是諸蟲皆可也陶隱居所說
近之矣人取此房研細醋調塗蜂蠆

烏上青味辛微溫有毒主蠱毒鬼疰破淋
結積聚墮胎七月取暴乾一名斑貓

圖經曰文具芫青條下

陶隱居云葛花時取之身黑而頭赤喻如
人著玄衣赤幘故名亭長此一蟲五變為
療皆相似二月三月在芫花上即呼芫青
四月五月在王不留行上即呼為王不留
行蟲六月七月在葛花上即呼為葛上亭

長八月在豆花上即呼為斑貓九月十月
欲還地蟄即呼為地膽此是偽地膽耳為
療猶同其類亭長腹中有卵白如米粒主
療諸淋結也

唐本註云今檢本草及古今諸方未見用

王不留行蟲者若爾則四蟲專在一處
禹錫云按蜀本圖經云五月六月葛葉上
採取之形似芫青而蒼黑色凡用斑貓芫
青亭長之類當以糯米同炒看米色黃黑
即出去頭足及翅脚以亂髮裹懸屋棟上
一宿然後入藥用

蛤蚧



味鹹平有小毒主火肺勞傳尸殺鬼物
邪氣癆嗽嗽下淋瀝水道生嶺南山谷及
城墻或大樹間身長四五寸尾與身等形如



大守宮一雄一雌常自呼其名曰蛤蚧最謹
惜其尾或見人欲取之多自嚙斷其尾人即
不取之凡採之者須存其尾則用之力全故
也方言曰桂林之中守宮能鳴者謂蛤蚧蓋
相似也

圖經曰蛤蚧生嶺南山谷及城墻或大木
間今嶺外亦有之首若蝦蟇背有細鱗如
蠶子色黃如土長四五寸尾與身等蓋守
宮蟪蟪之類也故揚雄方言云桂林之中
守宮能鳴者俗謂之蛤蚧言其自呼其名
也藥力全在尾人捕之則自嚙斷其尾因
得釋去巢穴多依榕木亦有在古屋城樓
間者人欲得其首尾完者乃以長柄兩股
鐵叉如粘繭竿狀伺於榕木間以叉刺之
皆一股中腦一股著尾故不能嚙也行常

一雄一雌相隨入樂亦須兩用之或云陽人用雌陰人用雄

日華子云無毒治肺氣止咳并通月經下石淋及治血又名蛤蚧合藥去頭足洗去鱗鬣內不淨以酥炙用良

衍義曰蛤蚧補肺虛勞嗽有功治久嗽不愈肺間積虛熱久則成瘡故嗽出膿血曉夕不出喉中氣塞胃膈噎痛蛤蚧阿膠生犀角鹿角膠羚羊角各一兩除膠外皆為屑次入膠分四服每服用河水三升於銀石器中慢火煮去半升瀉去滓臨卧微溫細細呷其滓候服盡再提都作一服以水三升煎至半升如前服若病人久虛不喜水當遞減水張刑部子臯病極顧極密況送此方遂愈

蜈蚣



蜈蚣味辛溫有毒主鬼疰蠱毒喉諸蛇蟲魚毒殺鬼物老精溫瘴去三圓療心腹寒熱結聚墮胎去惡血生大吳川谷江南赤頭足者良


圖經曰蜈蚣生吳中川谷及江南今江浙山南唐鄧間皆有之多在土石人家屋壁間以頭足赤者為勝七八月取之黃足者最多人以火炙令赤當之不堪用其性能制蛇忽見大蛇便緣而噉其腦陶隱居及蘇恭皆以為莊子稱蜈蚣甘帶淮南子云騰蛇殆於蜈蚣並言蜈蚣是此蜈蚣也陶隱居云今赤足者多出京口長山高麗山茅山亦甚有於腐爛積草處得之勿令傷暴乾之黃足者甚多而不堪用人多火炙令赤以當之非真也一名蜈蚣莊周云蜈蚣甘帶淮南子云騰蛇游霧而殆於蜈蚣其性能制蛇忽見大蛇便緣而噉其腦蜈蚣亦噉人以桑汁白鹽塗之即愈日華子云蜈蚣治癩癬邪魅蛇毒入藥炙

用

子母秘錄方治小兒撮口病但看舌上有瘡如粟米大是也以蜈蚣汁刮破指甲研傳兩頭肉差如無生者乾者亦得衍義曰蜈蚣皆光黑綠色足赤腹下黃有

中其毒者以烏雞屎水調塗咬處效大蒜塗之亦效復能治丹毒癰蜈蚣一條乾者白礬皂子大雷丸一箇百步二錢秤同為末醋調塗之又畏蜚蟪不敢過所行之路觸其身則蜈蚣死人故取以治蜈蚣毒桑汁白鹽亦效

水蛭



水蛭味鹹苦平微寒有毒主逐惡血瘀血月閉破血痕積聚無子利水道又墮胎一名蛟一名至掌生雷澤池澤五月六月採暴乾

圖經曰水蛭生雷澤池澤今近處河池亦多有之一名蜈蚣此有數種生水者名水蛭一名馬黃生山中者名石蛭生草中名草蛭生泥中名泥蛭並能著人及牛馬股脛間蓄唾其血甚者入肉中產育為害亦大水蛭有長尺者用之當以小者為佳六月採暴乾一云採得當以簞竹筒盛之待乾又用米泔浸經宿然後出之暴已又冬月猪脂煎令黃乃堪用乾蛭當展令長腹中有子者去之古法有用水蛭嚼瘡者緩急所須亦不可得佳知悌令預收養之以備用此物極難死加火炙經年得水猶可活也石蛭等並頭尖腹龐不堪入藥誤用則令人目中生煙不已漸致枯損不可不辨也

藥性論云水蛭使主破女子月候不通欲成血勞癥塊能治血積聚

陶隱居云蚊今復有數種此用馬蟻得嚙人腹中有血者仍乾為佳山蚊及諸小者皆不用楚王食寒菹所得而吞之果能去

結積難曰陰祐亦是物性兼然
日華子云畏石灰破癥結極難修制須細剉後微火炒令色黃乃熟不爾入腹生子為害

經驗方治折傷用水蛭新瓦上焙乾為細末熱酒調下一錢食頃痛可更一服痛止便將折骨藥封以物夾定直候至較初虞世方治從高墜下及打擊內傷神效麝香水蛭各一兩剉碎炒令煙出二件研為末酒調一錢當下畜血未止再服其效如神

衍義曰水蛭陳藏器日華子所說備矣大者京師又謂之馬鬣腹黃者謂之馬蟻畏益然治傷折有功經與注皆不言修制宜子細不可忽也今人用者皆炒

班貓



明味辛寒有毒主寒熱鬼疰蠱毒鼠瘻疥癬惡瘡疽蝕死肌破石癰血積傷人肌墮胎一名龍尾生河東川谷八月取陰乾馬刀為之使畏巴豆丹麥空青惡膚青

圖經曰班貓生河東川谷今處處有之七月八月大豆盛時此蟲多在葉上長五六分黑上黃黑斑文烏腹尖喙如巴豆大就葉上採之陰乾古方書多有此其字或作班蟲亦作班蛇入藥不可令生即吐瀉人

藥性論云班貓使一名龍苗有大毒能治瘰癧通利水道
陶隱居云豆花特取之身上黃黑斑色如巴豆大者是也

日華子云惡豆花瘰癧疾傳惡瘡癰爛入藥除翅足熟炒用生即吐瀉人

禹錫云按蜀本圖經云七月八月大豆葉上甲蟲長五六分黃斑文烏腹者今所在皆有之

吳氏云班猫一名班蚝一名龍蚝一名班
菌一名勝髮一名盤蛭一名晏青神農辛
岐伯鹹桐君有毒扁鵲甘有大毒生河內
川谷或生水石

外臺秘要方治乾癩積年生痂搔之黃水
出每逢陰雨即痒用班猫半兩微炒為末
蜜調傅之

經驗方大治大人小兒癩癰內消方班猫
一兩去翅足用粟米一升同班猫炒令米
焦黃去米不用細研入乾薄荷末四兩同

研令勻以雞子清九如菘豆大空心臘茶
下一丸加至五丸却每日減一丸減至一
丸後每日服五丸

衍義曰班猫須糯米中炒米黃為度姪媛
人不可服為能潰人肉治淋藥中用極苦
人尤宜斟酌下條芫青其用與此不相遠
故附于此

冷無毒潤五藏止消渴開胃解酒毒主
老癖能為寒熱者及婦人血塊煮食之此物
性雖冷乃與丹石相反服丹石人食之令腹

結痛

初虞世云癆湯火傷神妙蛤蜊殼灰火燒
研為末油調塗之

冷無毒治時氣開胃壓丹石藥及丁瘡
下濕氣下乳糟煮服良生浸取汁洗下瘡多

食發嗽并冷氣消腎陳穀治陰瘡止痢蜆肉
寒去暴熱明目利小便下熱氣脚氣濕毒解

酒毒目黃浸取汁服主消渴爛殼溫燒為白
灰飲下主反胃吐食除心胃痰水殼陳久療
胃反及失精

陳藏器云小於蛤黑色生水泥中候風雨
能以殼為翅飛也

殼燒作末服之主痔病

陳藏器云蚨蟻一名生進有毛似蛤長扁
殼燒作末服之主野雞病人食其肉無功

用也

冷無毒治酒毒消渴酒渴并癰腫殼治
瘡癰腫毒此二度各以醋鍛搗為末又甘草
等分酒服以醋調傅腫上妙車螯是大蛤一
名蝦能吐氣為樓臺海中春夏開依約島嶼

常有此氣

食療云車螯蝟蝮類也並不可多食之

溫主心腹冷氣腰脊冷風利五藏建胃令
人能食每食了以飯壓之不爾令人口乾又
云溫中消食起陽味最重出海中殼如尾屋

又云無毒益血色殼燒以米醋三度淬後埋
令壞醋膏先治一切血氣冷氣癱瘓

味甘溫無毒補虛主冷利煮食之主婦人
產後虛損生海泥中長二三寸大如指兩頭
開主胃中邪熱煩悶氣與服丹石人相宜天
行病後不可食切忌之

溫補五藏理腰脚氣益陽事能消食除
腹中冷氣消痰癰氣亦可燒令汁沸出食之

多食令煩悶目暗可微利即止北人多不識
雖形狀不典而甚益人又云溫無毒補虛勞

損產後血結腹內冷痛治癥瘕腰痛潤毛髮
崩中帶下燒一頓令飽大效又名殼菜常時

頻燒食即苦不宜人與少米先煮熱後除肉
內兩邊鑽及毛了再入蘿蔔或紫蘇或冬瓜
皮同煮即更妙

陳藏器云東海夫人味甘溫無毒主虛羸
勞損因產瘦瘠血氣結積腹冷腸鳴下痢
腰疼帶下疝瘕久服令人髮脫取肉作臠
宜人發石令腸結生南海似珠母一頭夾
中嚼少毛海人亦名淡菜新注云此名殼
菜大甘美南人好食治勞虛傷德精血少
者及吐血婦人帶下漏下丈夫久痢並煮
食之任意出江湖

○無鬚及煮色白者不可食謹按小者生水
田及溝渠中有小毒小兒患赤白遊腫搗碎
傳之鮮肉者甚有毒

陳藏器云食主五野雞病小兒患赤白遊
瘡搗碎傳之煮熱色正赤小兒及雞狗食
之脚屈不行江湖中者稍大煮之色白陶
云白者殺人非也海中有大者已出拾遺

條中以熱飯盛密器中作鮮食之毒人至
死

食療云平動風發瘡疥

○味苦微寒有毒主蠱瘡○肉釀作酒
療癩疾諸瘰心腹痛下結氣除蠱毒其腹中

吞鼠有小毒瘰癧

陶隱居云蝮蛇黃黑色黃領尖口毒最烈
虺形短而扁毒不異於虺中人不知瘰癧
死蛇類甚衆惟此二種及青蛙為猛瘰之
並別有方蛇皆有是五月五日取燒地令
熱以酒沃之置中足出術家所用亦連黃
領多在人家屋間吞鼠子雀雞見腹中大
者破取乾之

唐本註云蛇屎瘰癧瘰癧器中養取之皮灰
療疔腫惡瘡骨疽蛇皮生身痒癩疥癬等
瘰蛇作地色鼻反口又長身短頭尾相似
大毒一名虺蛇無二種也山南漢沔間多
有之

禹錫云按蜀本圖經云形羸短黃黑如土
色白斑鼻反者山南金州房州均州皆有
之

圖經行義本草卷之三十三

圖經行義本草卷之三十四

宋通直郎辨驗藥材電宗與編撰
宋太醫助教辨驗藥材許洪校正
蟲部下品
螺

○田中汁大寒主目熱赤痛止渴

藥性論云田螺汁亦可單用主治肝熱目
赤腫痛取大者七枚洗淨新汲水養去穢
泥重換水一升浸洗仍旋取於乾淨器中
著少鹽花於口上承取自出者用點目逐
箇如此用了却放之

陶隱居云生水田中及湖濱岸側形圓大
如黎橘者人亦煮食之煮汁亦瘰癧醒酒
止渴患眼痛取真珠并黃連納其中良久
汁出取以注目中多差

唐本注云別錄云殺瘰尸疰心腹痛又主
失精水漬飲汁止濕今按陳藏器本草云
田中螺煮食之利大小便去腹中結熱目
下黃脚氣衝上小腹急硬小便赤澀脚手
浮腫生浸取汁飲之止消渴碎其肉傳熱